





p. 17^{me}

LETTRES PATENTES DV ROY EN FORME D'EDICT; en faueur de ses subjectz de la Religion pretenduë Reformée. (mar 1626)

Publiées à Rouen en Parlement le 26. iour de May
mil six cens vingt-six.




cardinal

A ROUEN:
DE L'IMPRIMERIE,
De MARTIN LE MESGISSIER, Imprimeur
ordinaire du Roy, tenant sa boutique au haut
des degrez du Palais.
M. D. C. XXVI.
Avec privilege de sa Maesté.

LIBRARY
THE UNIVERSITY OF CHICAGO

71. d. Case
59
1326
16265225
Du vingt-sixième iour de May, mil six cens
vingt-six, à Rouën en la Cour
de Parlement.

 **P**R E S lecture Iudiciairement faicte des
lettres patentes en forme d'Edict faict par le
Roy en faueur de ses subjectz de la Religion
pretendue refformée au mois de Mars der-
nier, Et oy le Procureur General du Roy. **L A**
C O V R à ordonné & ordonne que sur lesdictes
Lettres patentes sera mis, quelles ont esté leuës, publiées
& registrées es Registres d'icelle, Oy & ce requé-
rant le Procureur General du Roy, Pour estre execu-
tées, gardées & obseruées selon leur forme & teneur.
Aux charges contenuës en l'arrest de ce iour, & ordon-
né que les vidimus ou coppies deuëment collationnez
seront enuoyez aux Bailliages de ce ressort, Pour y estre
aussi leuz, publiez & registrezz, Et enjoinct aux In-
ges & Substitutz dudit Procureur General tenir la
main à l'observation, & aduertir la Cour des contra-
uentions. Desquelles Lettres patentes & Arrest les
teneurs ensuyuent.



OVYS par la grace de Dieu, Roy de France & de Nauarre, A tous presens & à venir, Salut. Comme l'auctorité souueraine ne reluiſt pas moins dans les actions de grace & de clemence, que dās celle des armes & de la Iuſtice, & que ſçauoir vaincre & pardonner ſoit la plus haute marque de grandeur. Auſſi doit-on eſtimer le Prince digne d'honneur & de gloire, lequel ayant dōné cours à ſes armes ſur ceux qui les auoient iuſtement attirées, & apres les auoir ſoubmis & rangez en leur debuoir, ſe contente d'exercer en leur endroit ſa clemēce, & d'en faire recueillir les fruiſts au public, par le reſtaблиſſement de la paix, qui faiſt que Dieu eſt ſeruy & inuoqué en tous lieux, que l'auctorité Royale eſt reuerée & recogneuē de tous, que les Loix ſont religieuſement obſeruées, le peuple ſoulagé, & que le corps de l'Eſtat vniffant ſes forces enſemble, eſt plus puiſſant pour ſa cōſeruation, & pour preſter ſecours & protection à ſes allies. Ces conſiderations que nous auōs touſiours eües deuant les yeux, Nous ont donné ſubject d'appor- ter autant de moderation pour aſſoupir & eſtein- dre les mouuemens qui ont agité diuerſes fois ce Royaume, vſant de grace à l'endroit de ceux qui ſy eſtoient inconfiderément precipitez, comme

nous auons monst^ré de vigueur, de fermeté & diligence pour les chastier & reprimer lors que nous y auons esté obligéz. Quant aux affaires présentes nostre conduitte à esté telle ayant employé les menaces & le chastiment aux lieux qui ouuertemēt se sont declarez dans la desobeïssance & la douceur, patience & remonstrance aux autres qui se sont contenus en debuoir, que nous auons retenu l'esclat du trouble dont cēt Estat estoit menacé par vne guerre intestine, & conserué la meilleure & plus grande partie de nos subjets de la Religion pretenduē Reformée en la fidelité & obeïssance qu'ils nous doiuent: Lesquels auroient aussi clairement veu & cogneu que nostre intētion a tousiours esté, comme elle est encores, de les maintenir en paix, concorde & tranquillité, & les faire jouyr inuiolablement des graces a eux cōcedees par nos Edicts & Declarations. Ce que ceux qui ont leuē les armes & les villes qui les ont suiuy ayāt depuis peu bien consideré, & recogneu la qualité de leur faute, l'indignation publique, la ruine & le iuste chastimēt qu'ils attiroient sur eux, continuant de troubler le repos de cēt Estat: ils auroient eū recours à nostre bonté, comme à l'vnique refuge, de leur salut, & nous auroient par leurs deputez fait supplier diuerſes fois avec toutes les submissiōs que des subjets peuuent rendre à leur Roy, de leur

pardonner & mettre en oubly les choses passées
 & leur vouloir donner la paix : Surquoy Nous
 inclinans plustost à la grace & clemence qu'à la
 ruine & desolation de nos propres subjets : Ayās
 aussi esgard aux supplications tres-humbles qui
 nous ont esté faictes au nom de ceulx de la Reli-
 gion pretendue Reformée qui sont demeurez en
 leur debuoir , à ce qu'il nous pleust receuoir les
 submissiōs des autres , leur pardonner en leur
 consideration , & les réunir tous en paix & con-
 corde sous l'obeyssance qu'ils nous doibuent,
 Nous protestant & assurant qu'ils ne s'en separ-
 tiront iamais pour quelque cause , pretexte ou
 occasion que ce soit. SÇAVOIR FAISONS,
 que Nous pour ces causes , & autres grandes &
 importantes considerations à ce nous mouuans,
 Del'aduis de la Royne nostre tres-honorée Da-
 me & Mere , des Princes de nostre sang , autres
 Princes, Ducs, Pairs & Officiers de nostre Cour-
 ronne, principaux Seigneurs & notables person-
 nages de nostre Conseil estans près de nous :
 Nous auons dit & déclaré, disons & declarons
 par ces presentes signées de nostre main , Vou-
 lons & nous plaist.

P R E M I E R.

Que l'Edict de Nantes, Declarations & Arti-
 cles secrets, publiez & enregistrez en nos Cours
 de Parlement , seront inuiolablement gardez &

obseruez, pour en jouyr par nos subjets de la Religion pretenduë Reformée, comme ils ont bien & deuëment faict du temps du feu Roy nostre tres-honoré Seigneur & pere, que Dieu absoluë, & depuis nostre aduenement à la Couronne au parauant ces derniers mouuemens.

II.

Que la Religion Catholique Apostolique & Romaine, sera remise & restablie en tous les lieux & endroicts de nostre Royaume & pays de nostre obeïssance ou elle a esté intermise durant ces derniers mouuemens, pour y estre plainement, paisiblement & libiement exercée. Defendons tres-expressément à toutes personnes de quelque qualité & condition qu'elles soient, sur peine d'estre punis cōme infracteurs de paix & perturbateurs du repos public, de ne troubler, molester, ny inquieter les Ecclesiastiques en la celebration du seruice Diuin & autres fonctions de la Religion Catholique, jouïssance & perception des dixmes, fruiçts & reuenus de leurs Benefices, & tous autres droicts & debuoirs qui leur appartiennent : Et que tous ceux qui durant lesdicts derniers mouuemens se sont emparez des biens & reuenus des Eglises appartenans ausdits Ecclesiastiques, leur en laissent l'entiere possession, libre & paisible jouïssance, conformément au troisieme article de l'Edict de Nan-

7
tes, & leur restituent les biens pris qui se trouue-
ront en nature.

III.

Que l'exercice de la Religion pretenduë Re-
formée soit restably aux lieux où il estoit estably
suiuant nosdits Edicts & Declaration en l'année
mil six cens vingt : Et seront nos subjets de ladi-
cte Religion pretenduë Reformée remis esdicts
lieux, comme aussi en leurs Cimetieres, aux en-
droicts qui leur ont esté accordez, ou autres, tels
que les Commissaires qui seront par Nous depu-
tez ou Officiers des villes ingeront plus conue-
nables. Et où il arriueroit pour cause importan-
te que les Cimetieres ne pourroient pas estre re-
stablis és lieux qu'ils possedoient en l'année mil
six cens vingt, il leur en sera donné d'autres com-
modes aux despens de ceux qui demanderont
ledit changement.

IIII.

Et pour rendre tesmoignage au public de la
consideration en laquelle nous tenons ceux de
nos subjets de la Religion pretenduë Reformée,
qui sont demeurez en la fidelité & obeïssance
qu'ils nous doiuent, & des preuues recomman-
dables qu'aucuns d'entre eux nous en ont ren-
duës aux emplois que nous leurs auons donnez
en nos armées, tant dedans que dehors nostre
Royaume, Nous auons a leur tres-humble sup-

plication, ayans aussi esgard aux submissions qui nous ont esté faictes par les autres qui se sont esloignez de leur debuoir, Et de nostre grace speciale, pleine puissance & autorité Royale, Quitté, remis, & pardonné, Quittons, remettons, & pardonnons par cesdites presentes, toutes leuées d'armes, entreprises & actes d'hostilité commis par nosdicts sujets de la Religion pretenduë reformée, de quelque estat, qualité, & condition qu'ils soient, ensemble par les villes qui les ont fuiuy, & habitans d'icelles, tant par mer que par terre, depuis le premier iour de Ianuier de l'année dernière mil six cens vingt-cinq, & precedens mouuemens, iusques au iour de la publication des presentes, en ce compris ce qui pourroit estre arriué dans l'intervale de la signature de la Declaration du vingtième Octobre mil six cens vingt-deux, & la publication d'icelle en nos Cours de Parlement, dont ils demeureront plainement & perpetuellement deschargés, Ensemble de toutes assemblées generales & prouinciales, cercles, abregez, sousleuemens, esmotions populaires, excez, violences, infractions de sauuegarde, & de toutes autres choses generalement quelsconques contenuës és articles 76. & 77. dudit Edict de Nantes, encores qu'elles ne soient icy particulièrement declarées & exprimées, sans qu'ores & à l'aduenir
ils

9
ils en puissent estre aucunement recherchez;
poursuyuis ny inquietez, fors & excepté les cas
réseruez, tels qu'ils sont specifiez & declarez par
les articles 86. & 87. dudit Edict de Nantes,
dont pourra estre fait recherche par deuant les
Iuges auxquels la cognoissance en appartient.

V.

Et pour le regard des deniers qui ont esté im-
posez; leuez & pris sur nos subjets ou nos rece-
ptes, maniemens & administration d'iceux, &
descharges des Comptables, ensemble ce qui
côcerne les debtes créées par les Communautéz
de part & d'autre, & non payées, Les articles
74. 75. 78. & 79. de l'Edict de Nantes seront
gardez & observez.

VI.

Ce faisant tous les Sieges de Iustices, Bureaux
& Receptes & Offices de Finances qui pour-
roient auoir esté transferez à l'occasion des pré-
sents mouuements, depuis le mois de Ianuier
de l'année dernière, & notamment le tablier de
l'Eslection de la Rochelle, seront reestablis en
l'estat qu'ils estoient. Les Villes qui sont tenuës
par nos subjets de ladicte Religion pretendüe
reformée, iouyront des mesmes priuileges, im-
munitez, franchises, foires, & marchez qu'elles
faisoient auparauant. L'eslection des Consuls y
sera faite en la forme accoustumée, & en cas

d'appel il sera releué en nos Châbres de l'Edict.

VII.

Voulons pareillement que nosdits subjets de la Religion pretenduë reformée, soient entiere-ment deschargez des Iugemens, Sentences, & Arrests donnez contre eux à l'occasion des presents mouuements, suiuiât les Articles cinquante-huict, cinquante neuf, & soixâte dudit Edict, imposans sur le tout silence perpetuel à nos procureurs generaux, leurs Substituts, & tous autres qui y pourroient pretendre interest.

VIII.

Ordonnons que tous prisonniers de guerre detenus de part & d'autre, qui n'auront payé rançon, seront deliurez & mis en pleine liberté sans en payer aucunes : declarans toutes promesses faictes & causées pour rançon, qui n'auront esté acquittées au iour & datte des presentes, nulles & de nul effect, sans toutesfois que l'on puisse pretendre que les rançons desjà payées puissent estre repetées : comme aussi ceux de nosdits subjets de ladite Religion pretenduë reformée, saisis par auctorité de Iustice, detenus en nos prisons ou en nos Galeres, à l'occasiō des derniers & precedents mouuements, mesmes ceux qui furent pris à l'entreprise du port Louys seront eslargis & mis en liberté aussi-tost apres la publication des presentes, sans aucune remise,

delay où retardement.

I X.

Entendons pareillement que l'Article vingt-septième dudit Edict de Nantes, concernant l'admission & reception de nos subjets de ladicte Religion pretendue reformée, aux charges & offices, soit gardé & obserué, & que tous ceux de ladite Religion, de quelque qualité & condition qu'ils soiēt, qui pourroïēt auoir esté destituez & priuez à l'occasion des presents mouuements de leurs charges, offices, dignitez, maisons & habitations depuis le premier iour de Ianuier mil six cens vingt-cinq, y soient remis & restablis. Comme aussi en tous leurs biens, noms, debtes, raisons, & actions, saisis tant durant les precedents, que les derniers mouuements, Nonobstant toutes prouisions d'offices, dons, confiscations, represailles, payements, & quittances: Permettans aux creantiers de faire executer leurs contractz & obligations pour le fort principal, nonobstant tous Iugemens & Arrests, sinon qu'il fut interuenu Arrest diffinitif contradictoire pour ce regard en nostre Conseil, ou en nos Chambres de l'Edict, ou que les particuliers en ayent esté remboursez d'ailleurs.

X

Voulons nos presentes Lettres de Declaration estre gardées & obseruees par tous nos subjets

ſuiuant & en la forme preſcrite par l'Article quatre-vingts deux dudit Edict de Nantes, & feront Cômiffaires par Nous deputez ou beſoin ſera, pour faire executer le contenu en icelles.

XI.

A la charge que noſdits ſujets faiſant profeſſion de ladicte Religion pretenduë reformée, ne pourront a l'aduenir tenir aucunes aſſemblées generales, ny particulieres, cercles, conſeils, abregez, & tous autres de quelque qualité & condition qu'elles puiſſent eſtre, s'ils n'en ont expreſſe permiſſion par lettres, ou breuet ſigné de Nous, & contresigné de l'un de nos Secrétaires d'Eſtat : Et qu'ils ſe departiront de toutes pratiques, intelligences, vnions, & aſſociations. Leur ſont neantmoins permises les aſſemblées de conſistoires, colloques & ſynodes pour pures affaires concernans les reglemens de la diſcipline de ladicte Religion pretenduë reformée, conformément à nos Lettres de Déclaration du dix-septième iour d'Auril mil ſix cens vingt-trois, expediées ſur la tenuë des colloques & ſynodes, avec inhibitions tres-expreſſes d'y traicter d'aucunes affaires politiques. Qu'ils ne pourront faire à l'aduenir aucunes fortifications de quelque qualité qu'elles ſoient dans nos Villes, ſans noſtre permiſſion, portée par nos Lettres patentes : Qu'ils ne pourront leuer aucuns

deniers sur nos sujets, pour quelque cause & occasion que ce soit, sans commission emanée de nostre grand seau: Le tout sur peine de crime de leze-Majesté, & de décheoir de nostre presente grace.

XII.

Entendons aussi que les Articles par Nous arrestez, pour ce qui concerne la Ville de la Rochelle, Isles & pais d'Aulnis, soient gardez, observez, & executez incontinent & sans delay, & que les Villes & Chasteaux qui se trouueront auoir esté pris par ceux de ladiète Religion pretenduë reformée depuis les presents mouuements, soient remis en nostre obeïssance dans quinze iours apres la publication des presentes. Declarans ceux de nosdits sujets de ladiète Religion pretenduë reformée, qui feront difficulté de se soumettre à ceste nostre volôté, descheus & priuez a leur esgard du benefice de ceste nostre presente grace.

SI DONNONS EN MANDEMENT à nos amez & feaux les gens tenans nos Cours de Parlement, & Chambres de l'Edict, Chambres de nos Comptes, Cours de nos Aydes, Baillifs, Seneschaux, où leurs Lieutenants, & à tous autres nos Iusticiers & officiers qu'il appartiendra, que ces presentes ils facēt lire, publier & enregistrer chacun endroit soy, & le contenu en icelles gar-

der & obseruer inuolablement, suiuant la forme & teneur, sans y contreuenir, ny souffrir y estre contreueni en aucune maniere. Enjoignant à nos Procureurs generaux, ou leurs Substituts, de faire pour cét effect toutes instances, poursuites & requisitions necessaires : non obstant tous Arrests, Lettres, & autres choses à ce contraires, Ansquelles & aux derogatoires des derogatoires y contenuës, nous auons derogé & derogeons par cesdites presentes : **CAR** tel est nostre plaisir. Et afin que ce soit chose ferme & stable à tousiours, nous auons faict mettre nostre seal à icelles. **DONNE'** a Paris au mois de Mars l'an de grace mil six cens vingt-six, Et de nostre regne le saizième. Signé, **LOVIS.** Et plus bas, Par le Roy, **POTIER.** Et à costé, **VISA.** Et seellé sur lacs de soye rouge & verd du grand seal en cire verd, avec contreseel. Et à costé est escript.

*Leues, publiées & registrées és registres de la Cour,
Oy & ce requerant le Procureur General du Roy, pour
estre executées, gardées & obseruées selon leur forme
& teneur : Aux charges contenuës en l'Arrest de
ladiète Cour. A Rouen en Parlement le vingt-sixième
iour de May mil six cens vingt-six.*

Signé, **DE BOISLEUESQUE.**



EXTRAICT DES REGISTRES
de la Cour de Parlement.

VEU PAR LA COUR
les Chambres assembléees, les Let-
tres patentes en forme d'Edict,
données à Paris au moys de Mars
dernier, Pour l'observation de
l'Edict de Nantes, Declarations,
& Articles secrets, publiez & registrez en ses
Cours de Parlements, & en pour par ses subiectz de
la Religion pretendue refformée. Reestablishement de
la Religion Catholique Apostolique & Romaine en
tous les lieux & endroicts de son Royaume & Pays
de son obeïssance, où elle à esté intermise durant ces
derniers mouuements, Pour y estre plainement, paissi-
blement, & librement exercée; Quittant, remettant,
& pardonnant ledict Seigneur Roy pour les conside-
rations y contenues: Toutes levées d'armes, entrepri-
ses, & actes d'hostilité, commis par sesdicts subiectz
de la Religion pretendue Refformée de quelque estat,
qualité & condition qu'ils soient, Ensemble par les
Villes qui les ont suyvis & habitans d'icelles tant par

mer que par terre, depuis le premier iour de Ianuier de l'année mil six cens vingt-cinq & precedents mouuements, ainsi que plus amplement lesdictes lettres le contiennent, Conclusions du Procureur General du Roy, & le tout deliberé. **LADICTE COUR** les Chambres assemblées, A ordonné & ordonne que lesdictes Lettres en forme d'Edict seront leuës, publiées & registrées es Registres d'icelle, Pour estre executées, gardées, & obseruées selon leur forme & reneur. A la charge qu'en execution du neuſiême Article les sommes payées en vertu des dons, confiscations, represailles ou autrement, ne pourront estre repetez, ains demeureront à ceulx qui les ont receuz. **Fait à Rouen en ladicte Cour de Parlement les Chambres assemblées, le vingt-huictiesme iour de May, mil six cens vingt-six.**

Signé,

DE BOISLEVESQUE.



